

BOSNA I HERCEGOVINA
AGENCIJA ZA POŠTANSKI PROMET
BOSNE I HERCEGOVINE



БОСНА И ХЕРЦЕГОВИНА
АГЕНЦИЈА ЗА ПОШТАНСКИ САОБРАЋАЈ
БОСНЕ И ХЕРЦЕГОВИНЕ

BOSNIA AND HERZEGOVINA
AGENCY FOR POSTAL TRAFFIC OF
BOSNIA AND HERZEGOVINA

VIJEĆE/SAVJET AGENCIJE

Broj: 01-05-1-16-1-47-3/22

Datum: 23. 02. 2022. godine

Na osnovu člana 14. i 22. Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), Pravilnika o finansijskom izvještavanju institucija Bosne i Hercegovine („Službeni glasnik BiH“, broj 25/15 i 91/17) i Instrukcijom za sačinjavanje godišnjeg izvještaja o izvršenju budžeta budžetskih korisnika za period od 01. 01. do 31. 12. 2021. godine, broj: 05-16-2-477-1/22 od 05. 01. 2022. godine, Agencija za poštanski promet Bosne i Hercegovine podnosi:

**IZVJEŠTAJ O IZVRŠENJU BUDŽETA
AGENCIJE ZA POŠTANSKI PROMET
BOSNE I HERCEGOVINE**

ZA PERIOD 01. 01. – 31. 12. 2021.

SADRŽAJ:

1. UVOD.....	3
2. IZVRŠENJE BUDŽETA.....	3
3. IZVRŠENJE RASHODA I ANALIZA ODSTUPANJA.....	3
4. ANALIZA TEKUĆIH IZDATAKA.....	4
5. OBRAZLOŽENJE NAJVAŽNIJIH UZROKA ODSTUPANJA IZVRŠENJA.....	6
6. OBRAZLOŽENJE ODSTUPANJA UKUPNOG BROJA ZAPOSLENIH.....	7
7. OBRAZLOŽENJE STALNIH SREDSTAVA.....	7
8. OBRAZLOŽENJE IZVRŠENJA KAPITALNIH IZDATAKA.....	7
9. OBRAZLOŽENJE REALIZACIJE PUTNIH TROŠKOVA I ANGAŽIRANJA SPOLJNIH SARADNIKA.....	7
10. OBRAZLOŽENJE PRIMJENE PRAVILNIKA O KORIŠTENJU TELEFONA, PRAVILNIKA O KORIŠTENJU SREDSTAVA REPREZENTACIJE I PRAVILNIKA O UVJETIMA NABAVKE I NAČINU KORIŠTENJA SLUŽBENIH VOZILA U INSTITUCIJAMA BOSNE I HERCEGOVINE.....	8
11. ZAKLJUČAK.....	8

1. UVOD

U skladu sa Instrukcijom za sačinjavanje izvještaja o izvršenju budžeta za period od 01. 01. – 31. 12. 2021. godine broj: 05-16-2-477-1/22 od 05. 01. 2022. godine, Agencija za poštanski promet Bosne i Hercegovine (u daljem tekstu: Agencija), dostavlja Izvještaj o izvršenju budžeta za period 01. 01. – 31. 12. 2021. godine.

Predmetnim Izvještajem se u nastavku teksta prikazuje:

- evidentiranje rashoda i izdataka, odnosno svih poslovnih promjena,
- bilans stanja, kroz obrasce izvještavanja,
- tekstualni dio obrazloženja po ekonomskim kategorijama,
- obrazloženje najvažnijih uzroka odstupanja izvršenja u tekućem periodu,
- obrazloženje odstupanja ukupnog broja zaposlenih u odnosu na planirani broj,
- obrazloženje stalnih sredstava,
- obrazloženje izvršenja kapitalnih izdataka,
- obrazloženje realizacije putnih troškova i angažiranje spoljnih saradnika,
- obrazloženje primjene Pravilnika o korištenju telefona, Pravilnika o korištenju sredstava reprezentacije i Pravilnika o uvjetima nabavke i načinu korištenja službenih vozila u institucijama Bosne i Hercegovine.

2. IZVRŠENJE BUDŽETA

Na osnovu člana 26. Pravilnika o finansijskom izvještavanju institucija Bosne i Hercegovine („Službeni glasnik BiH“, br. 25/15 i 91/17) budžetski korisnici su dužni objasniti uzroke i posljedice predstavljenog razvoja ekonomskih veličina i objasniti uzroke neproporcionalnog izvršenja planiranih značajnih rashoda i izdataka.

Agencija se u izvještajnoj godini finasirala iz vlastitih prihoda koji su za 2021. iznosili 1.075.739 KM i veći su za 287.739 KM od planiranog budžeta, odnosno za 417.152 KM od realizovanih izdataka za istu godinu (Tabela 2).

U tabeli u nastavku (Tabela 1) prikazana je struktura rashoda za period od 01. 01. – 31. 12. 2021. godine. Tabela je usklađena sa Pravilnikom o finansijskom izvještavanju institucija Bosne i Hercegovine.

3. IZVRŠENJE RASHODA I ANALIZA ODSUPANJA

Tabela 1: Struktura rashoda - pregled

R.br.	Rashodi budžeta po ekonomskim kategorijama	Ekonomski kod	Budžet 2021 – privr. fin.	Realizovano 01.01. - 31.12.'21.	Realizovano 01.01. - 31.12.'20.	Procenat 5/4	Procenat 5/6
1	2	3	4	5	6	7	8
1	Bruto plate i naknade	6111	537.000	497.207	490.960	93%	101%
2	Naknade troškova zaposlenih	6112	107.000	93.961	62.205	88%	151%
3	Putni troškovi	6131	16.000	11.509	7.669	72%	150%
4	Izdaci telefonskih i poštan. usluga	6132	16.000	12.219	12.857	76%	95%
5	Izdaci za ener. i komu. usluge	6133	7.000	6.419	6.919	92%	93%
6	Nabavka materijala	6134	10.000	8.128	7.898	81%	103%
7	Izdaci za usluge prevoza i goriva	6135	13.000	7.892	6.916	61%	114%
8	Troškovi zakupa	6136	3.000	0	1.588	0%	0%
9	Izdaci za tekuće održavanje	6137	9.000	7.807	4.578	87%	171%
10	Izdaci za osigu. i trošk plat. prom.	6138	7.000	3.021	2.974	43%	102%
11	Ugovorene i druge posebne usl.	6139	23.000	10.424	15.815	45%	66%
1	UKUPNO TEKUĆI RASHODI	-	748.000	658.587	620.378	88%	106%
2	KAPITALNI IZDACI	-	40.000	0	39.525	0%	0%
1	Nabavka opreme	8213	26.000	0	39.525	0%	0%
2	Nabavka ostalih stalnih sredstava	8214	14.000	0	0	-	-
3	SVEUKUPNO (1+2)	-	788.000	658.587	659.902	84%	100%

4. ANALIZA TEKUĆIH IZDATAKA

Zakonom o budžetu institucija Bosne i Hercegovine i međunarodnih obaveza za 2020. godinu („Službeni glasnik BiH“ broj 46/20) i na osnovu Odluka o privremenom finansiranju institucija Bosne i Hercegovine i međunarodnih obaveza u izvještajnoj 2021. godini, odobreni Budžet Agencije za poštanski promet Bosne i Hercegovine je iznosio 788 000 KM. Cjelokupan iznos predstavlja vlastite prihode Agencije.

Realizacija tekućih izdataka – rashoda za period od 01. 01. do 31. 12. 2021. godine je ostvaren u procentualnom iznosu od 84% u odnosu na odobreni budžet za 2020. godinu. Ovakav odnos izvršenja se ogleda u činjenici da se u izvještajnoj godini primjenjivalo finansiranje institucija Bosne i Hercegovine i međunarodnih obaveza na osnovu Odluka o privremenom finansiranju institucija Bosne i Hercegovine i međunarodnih obaveza, kojima su sredstva za finansiranje u 2021. godini utvrđena na osnovu kvartalnih iznosa odobrenog i usvojenog budžeta za 2020. godinu, a koji je objavljen u "Službenom glasniku BiH", broj 46/20.

Uvidom u izvještaje i poređenjem izvršenja budžeta za 2021. godinu sa budžetom za 2020. godinu, izvršenje tekućih izdataka – rashoda je na istom nivou kao i 2020. godine.

Obzirom na prethodno navedeno, kao jedan od dodatnih razloga je pandemija na svjetskom nivou, a koja je uticala i na druge prilike, pa pojedine stavke – konta nisu realizirana u omjeru koji se očekivao. Stavke konta koja nisu u potpunosti realizirana u izvještajnom periodu odnose se na: izdatke za usluge prevoza i goriva, iznajmljivanje imovine i opreme, izdaci za osiguranja, bankarske usluge i usluge platnog prometa, ugovorene i druge posebne usluge.

U nastavku se prikazuju obrazloženja pojedinačnih stavki:

- **Izdaci za plate i naknade**

U periodu od 01. 01. – 31. 12. 2021. godine za konto 6111 – Bruto plate i naknade utrošeno je 496.378 KM ili 93% planiranog – odobrenog budžeta. U izvještajnom periodu utrošen je iznos sredstava kako je planirano i odobreno budžetom za 2020. godinu za 12 zaposlenih. Na izvršenje je uticala činjenica da je Agenciji u skladu sa Zakonom o budžetu za 2020. godinu odobren broj od 12 zaposlenih, što predstavlja popunjenost od 71% u odnosu na ukupan broj sistematizovanih radnih mjesta (17), predviđen Pravilnikom o unutrašnjoj organizaciji Agencije za poštanski promet Bosne i Hercegovine. Nedovoljna kadrovska popunjenost Agencije se naglašava u svim izvještajima Delegacije EU za Bosnu i Hercegovinu.

- **Izdaci za naknade troškova zaposlenih**

U periodu od 01. 01. – 31. 12. 2021. godine za konto 6112 – Naknade troškova zaposlenih utrošeno je 93.961 KM ili 88% odobrenog budžeta. Uvećanje u odnosu na realizaciju za prethodnu godinu se odnosi na jednokratno isplaćivanje sredstava za otpremninu zaposleniku (imenovanom licu), koji je u izvještajnom periodu stekao uslove za penziju (novembar 2020.). Kako proces imenovanja nije bio okončan u 2020. godini planirana sredstva su se morala prerasporediti kroz tekuće rashode i ušla su u strukturu izvršenja za izvještajni period. S druge strane, izdaci po ovom osnovu umanjeni su zbog rada od kuće i povećanog broja bolovanja.

- **Putni troškovi**

U periodu od 01. 01. – 31. 12. 2021. godine za konto 6131 – Putni troškovi utrošeno je 11.509 KM ili 72% planiranog – odobrenog budžeta za 2020. godinu. Na realizaciju troškova putovanja u 2020. uticala je pojava pandemije na svjetskom nivou kada je značajno smanjen broj službenih putovanja. U izvještajnoj godini predstavnici Agencije su učestvovali na međunarodnim skupovima koji su organizovani u zavisnosti o pandemijskim mogućnostima, ali i njihovoj važnosti i prioritetima. U izvještajnom periodu Agencija nije realizovala planirane bilateralne sastanke.

- **Izdaci za telefonske i poštanske usluge**
U periodu od 01. 01. – 31. 12. 2021. godine za konto 6132 – Izdaci telefonskih i poštanskih usluga utrošeno je 12.219 KM ili 76% planiranog – odobrenog budžeta. Obzirom na činjenično stanje i uvid u dinamiku trošenja sredstava za ovu kategoriju konta ista je utvrđena i u skladu sa planiranom potrošnjom. Agencija se u potpunosti pridržavala uvjeta i načina korištenja potrošnje za fiksne i mobilne telefone, a prema Pravilniku o korištenju telefona („Službeni glasnik BiH“, br. 26/14, 81/14, 78/15, 37/17, 53/17, 62/17 i 34/19) i Odluci o korištenju mobilnih i fiksnih telefona u Agenciji za poštanski saobraćaj Bosne i Hercegovine broj: 01-03-2-02-2-540-3/14 od 30. 12. 2014. godine i 01-03-1-02-2-681-2/18 od 30. 08. 2018. godine.
- **Izdaci za energiju i komunalne usluge**
U periodu od 01. 01. – 31. 12. 2021. godine za konto 6133 – Izdaci za energiju i komunalne usluge utrošeno je 6.419 KM ili 92% planiranog – odobrenog budžeta, što predstavlja iznos koji je Agencija utrošila na usluge čišćenja i održavanja kancelarijskih prostorija.
- **Nabavka materijala**
U periodu od 01. 01. – 31. 12. 2021. godine za konto 6134 – Nabavka materijala utrošeno je 8.128 KM ili 81% planiranog – odobrenog budžeta. U skladu sa Odlukom o privremenom finansiranju institucija Bosne i Hercegovine i međunarodnih obaveza dinamika je usklađena sa rokovima vršenja nabavke i dinamikom priliva. Agencija se pridržavala utroška planiranih i odobrenih sredstava.
- **Izdaci za usluge prevoza i goriva**
U periodu od 01. 01. – 31. 12. 2021. godine za konto 6135 – Izdaci za usluge prevoza i goriva utrošeno je 7.892 KM ili 61% planiranog – odobrenog budžeta. Osnovni razlog manjeg izvršenja u 2021. je činjenica da su zbog pandemije izazvane virusom COVID – 19 sve planirane službene posjete svedene na minimum kako unutar Bosne i Hercegovine (kontrola poštanskih operatera, radni sastanci, simpoziji,...), tako i zemalja regije, a na iste je planirano putovati vozilima Agencije. Procenat izvršenja je veći u odnosu na prethodnu 2020. godinu.
- **Troškovi zakupa**
S obzirom da Agencija u 2021. nije obnovila Ugovor o zakupu parking mjesta u periodu od 01. 01. – 31. 12. 2021. godine za konto 6136 – Troškovi unajmljivanja imovine i opreme, sredstva nisu planirana.
- **Izdaci za tekuće održavanje**
U periodu od 01. 01. – 31. 12. 2021. godine za konto 6137 – Izdaci za tekuće održavanje utrošeno je 7.807 KM ili 87% planiranog – odobrenog budžeta. U odnosu na 2020. godinu i za isti izvještajni period Agencija je potrošila više sredstava iz razloga povećanja troškova na stavkama: materijali i usluge za popravku i održavanje informatičke opreme, materijali za popravku i održavanje vozila, usluge popravki i održavanja opreme, usluge popravki i održavanje vozila, usluge održavanja softvera. S obzirom na kompletno obnavljanje dotrajale i rashodovane informatičke opreme, povećanje se uglavnom odnosi na ugovor o održavanju iste.
- **Izdaci za osiguranje i troškove platnog prometa**
U periodu od 01. 01. – 31. 12. 2021. godine za konto 6138 – Izdaci za osiguranje i troškove platnog prometa utrošeno je 3.021 KM ili 43% planiranog – odobrenog budžeta. Naime, sredstva za AO, AO+ i kasko osiguranje su planirana na osnovu istraživanja tržišta osiguranja u Bosni i Hercegovini. Međutim, u postupku nabavke usluga osiguranja pristigla je znatno povoljnija ponuda i u odnosu na ono što je istraživanje tržišta pokazalo, radi čega je dio planiranih sredstava ostao neutrošen. Napominjemo da je dio sredstava koji je planiran u ovoj grupi konta, iskazan i na grupi konta 6135.
- **Ugovorene i druge posebne usluge**
U periodu od 01. 01. – 31. 12. 2021. godine za konto 6139 – Ugovorene i posebne usluge utrošeno je 10.424 KM ili 45% planiranog – odobrenog budžeta. Obzirom na cjelokupan

slijed događaja nastalih u 2021. godini, Odluka o privremenom finansiranju institucija Bosne i Hercegovine i međunarodnih obaveza i donošenja Odluke o proglašenju nastanka stanja prirodne ili druge nesreće na teritoriji Bosne i Hercegovine („Službeni glasnik BiH“ broj 18/20) veći dio planiranih stavki nije realizovan u potpunosti, a radi se o uslugama obrazovanja kadrova, reprezentacije, javnog informiranja, zatim izdataka po osnovu ugovora o djelu te protokolarnih usluga za potrebe okruglih stolova i konferencija.

- **Kapitalni izdaci**

U periodu od 01. 01. – 31. 12. 2021. godine za grupu konta Kapitalna ulaganja budžetom za 2021. godinu planiran je ukupan iznos od 40.000 KM, ali isti se nije mogao realizovati zbog činjenice da je tokom izvještajnog perioda na snazi bilo privremeno finansiranje institucija Bosne i Hercegovine i međunarodnih obaveza. Zbog nemogućnosti realizacije ista specifikacija i iznos kapitalnih izdataka je planiran i budžetom za 2022. godinu.

5. OBRAZLOŽENJE NAJVAŽNIJIH UZROKA Odstupanja Izvršenja

Odstupanje izvršenja u tekućem, od izvršenja u istom periodu prethodne godine ogleda se kroz sljedeća konta kako slijedi:

- *Konto 6112 – Naknade troškova zaposlenih:* u periodu od 01. 01. – 31. 12. 2021. godine utrošeno je 93.961 KM ili 88% odobrenog budžeta. Uvećanje u odnosu na realizaciju za prethodnu godinu se odnosi na jednokratno isplaćivanje sredstava za otpremninu zaposleniku (imenovanom licu), koji je u izvještajnom periodu stekao uslove za penziju (novembar 2020.). Kako proces imenovanja nije bio okončan u 2020. godini planirana sredstva su se morala prerasporediti kroz tekuće rashode i ušla su u strukturu izvršenja za izvještajni period. S druge strane, izdaci po ovom osnovu umanjeni su zbog rada od kuće i povećanog broja bolovanja.
- *Konto 6131 – Putni troškovi:* u periodu od 01. 01. – 31. 12. 2021. godine utrošeno je 11.509 KM ili 72% planiranog – odobrenog budžeta za 2020. godinu. Na realizaciju troškova putovanja u 2020. uticala je pojava pandemije na svjetskom nivou kada je značajno smanjen broj službenih putovanja. U izvještajnoj godini predstavnici Agencije su učestvovali na međunarodnim skupovima koji su organizovani u zavisnosti o pandemijskim mogućnostima, ali i njihovoj važnosti i prioritetima. U izvještajnom periodu Agencija nije realizirala planirane bilateralne sastanke.
- *Konto 6135 – Izdaci za usluge prevoza i goriva:* u periodu od 01. 01. – 31. 12. 2021. godine utrošeno je 7.892 KM ili 61% planiranog – odobrenog budžeta. Osnovni razlog manjeg izvršenja u 2021. je činjenica da su zbog pandemije izazvane virusom COVID – 19 sve planirane službene posjete svedene na minimum kako unutar Bosne i Hercegovine (kontrola poštanskih operatera, radni sastanci, simpoziji,...), tako i zemalja regije, a na iste je planirano putovati vozilima Agencije. Također, jedan dio izvještajnog perioda Agencija nije imala potpuno Vijeće Agencije. Procenat izvršenja je veći u odnosu na prethodnu 2020. godinu. Predviđena sredstva su uključivala i odobrenu realizaciju nabave jednog putničkog vozila.
- *Konto 6137 – Izdaci za tekuće održavanje:* u periodu od 01. 01. – 31. 12. 2021. godine utrošeno je 7.807 KM ili 87% planiranog – odobrenog budžeta. U odnosu na 2020. godinu i za isti izvještajni period Agencija je potrošila više sredstava iz razloga povećanja troškova na stavkama: materijali i usluge za popravku i održavanje informatičke opreme, materijali za popravku i održavanje vozila, usluge popravki i održavanja opreme, usluge popravki i održavanje vozila, usluge održavanja softvera. S obzirom na kompletno obnavljanje dotrajale i rashodovane informatičke opreme, povećanje se uglavnom odnosi na ugovor o održavanju iste.
- *Konto 6138 – Izdaci za osiguranje i troškove platnog prometa:* za grupu konta 6138 utrošeno je 3.021 KM ili 43% planiranog – odobrenog budžeta. Naime, sredstva za AO, AO+ i kasko osiguranje su planirana na osnovu istraživanja tržišta osiguranja u Bosni i Hercegovini. Međutim, u postupku nabavke usluga osiguranja pristigla je znatno povoljnija ponuda i u odnosu na ono što je istraživanje tržišta pokazalo, radi čega je dio planiranih

sredstava ostao neutrošen. Napominje se da je dio sredstava koji je planiran u ovoj grupi konta, iskazan i na grupi konta 6135.

- *Konto 6139 – Ugovorene i posebne usluge:* u periodu od 01. 01. – 31. 12. 2021. godine utrošeno je 10.424 KM ili 45% planiranog – odobrenog budžeta. Obzirom na cjelokupan slijed događaja nastalih u 2021. godini, Odluka o privremenom finansiranju institucija Bosne i Hercegovine i međunarodnih obaveza i donošenja Odluke o proglašenju nastanka stanja prirodne ili druge nesreće na teritoriji Bosne i Hercegovine („Službeni glasnik BiH“ broj 18/20) veći dio planiranih stavki nije realiziran u potpunosti, a radi se o uslugama obrazovanja kadrova, reprezentacije, javnog informiranja, zatim izdataka po osnovu ugovora o djelu te protokolarnih usluga za potrebe okruglih stolova i konferencija.

6. OBRAZLOŽENJE Odstupanja ukupnog broja zaposlenih

- U izvještajnom periodu nije bilo odstupanja broja zaposlenih. Agencija je u budžetskom zahtjevu za 2021. godinu tražila povećanje broja zaposlenih za jednog (1) zaposlenog, što u konačnici čini ukupno trinaest (13) zaposlenih. Trenutni broj zaposlenih dvanaest (12) predstavlja popunjenost od 71% u odnosu na ukupan broj sistematizovanih radnih mjesta sedamnaest (17), predviđenih Pravilnikom o unutrašnjoj organizaciji Agencije za poštanski promet Bosne i Hercegovine. Nedovoljna kadrovska popunjenost Agencije se naglašava u svim izvještajima Delegacije EU za Bosnu i Hercegovinu.

7. OBRAZLOŽENJE Stalnih sredstava

- Evidencija stalnih sredstava (kapitalnih izdataka) se vodi u Glavnoj knjizi Trezora, pomoćnoj knjizi i u Modulu osnovnih sredstava (FA).
- Ministarstvo finansija i trezora je u Modul osnovnih sredstava (FA) učitalo početno količinsko i finansijsko stanje osnovnih sredstava Agencije za 2021. godinu. Izvršeno je usaglašavanje finansijskog stanja u Glavnoj knjizi Trezora i u Modulu osnovnih sredstava (FA).
- Amortizacija se obračunava linearnom metodom tokom procjenjenog korisnog vijeka trajanja.
- Na poziciji stalnih sredstava na dan 31. 12. 2021. godine je evidentiran iznos sadašnje vrijednosti od 115.475 KM koji se sastoji od:
 - Nabavne vrijednosti stalnih sredstava u iznosu od 220.843 KM i
 - Ispravke vrijednosti stalnih sredstava u iznosu od 105.369 KM.

8. OBRAZLOŽENJE Izvršenja kapitalnih izdataka

- U periodu od 01. 01. – 31. 12. 2021. godine za grupu konta Kapitalna ulaganja budžetom za 2021. godinu planiran je ukupan iznos od 40.000 KM, ali isti se nije mogao realizirati zbog činjenice da je tokom izvještajnog perioda na snazi bilo privremeno finansiranje institucija Bosne i Hercegovine i međunarodnih obaveza. Zbog nemogućnosti realizacije ista specifikacija i iznos kapitalnih izdataka je planiran i budžetom za 2022. godinu.

9. OBRAZLOŽENJE Realizacije putnih troškova i angažiranja spoljnih saradnika

- Na realizaciju troškova planiranih za putovanja uticala je pojava pandemije na svjetskom nivou zbog koje je Agencija u izvještajnoj godini sva međunarodna putovanja i radne posjete unutar zemlje, u zavisnosti od uvjeta i prilika zbog pandemije, realizovala po prioritnosti i važnost.
- U 2021. godini angažiran je spoljni saradnik i realizovan je jedan (1) Ugovor o djelu:

Elektrotehničar računarstva i informatike – izrada web stranice Agencije, prenos podataka sa stare web stranice na informaciono komunikacionu mrežu e-vlade obuka zaposlenika za samostalno uređenje i unos podataka

10. OBRAZLOŽENJE PRIMJENE PRAVILNIKA O KORIŠTENJU TELEFONA, PRAVILNIKA O KORIŠTENJU SREDSTAVA REPREZENTACIJE I PRAVILNIKA O UVJETIMA NABAVKE I NAČINU KORIŠTENJA SLUŽBENIH VOZILA U INSTITUCIJAMA BOSNE I HERCEGOVINE

- *Primjena Pravilnika o korištenju telefona – i Odluke broj: 01-03-1-02-2-681-2/18 od 30. 8. 2018. godine Agencija se u potpunosti pridržavala uvjeta i načina korištenja, potrošnje za fiksne i mobilne telefone. Uvidom u odnos planirano/odobreno/utrošeno stvorena je ravnoteža ravnomjernog trošenja sredstava.*
- *Primjena Pravilnika o korištenju sredstava reprezentacije – godišnji maksimalan iznos od 6.000 KM. Agencija se u potpunosti pridržavala uvjeta i načina korištenja sredstava reprezentacije u institucijama Bosne i Hercegovine.*
- *Primjena Pravilnika o uvjetima nabavke i načinu korištenja službenih vozila u institucijama Bosne i Hercegovine – Agencija raspolaže sa tri motorna službena vozila i to dva vozila niže srednje klase i jednim vozilom srednje klase. Agencija se u potpunosti pridržavala uvjeta i načina korištenja službenih vozila u institucijama Bosne i Hercegovine.*

11. ZAKLJUČAK

Na osnovu naprijed navedenog i prikazanog Izvještaja o izvršenju budžeta za period 01. 01. – 31. 12. 2021. godine, konstatujemo da se Agencija za poštanski promet Bosne i Hercegovine racionalno i odgovorno odnosila prema trošenju budžetskih sredstava, dosljedno provodeći smjernice i uputstva Ministarstva finansija i trezora Bosne i Hercegovine. Ostvareno je izvršenje od 84% u odnosu na planirani – odobreni budžet za 2021. godinu kroz strukturu rashoda, bez kapitalnih izdataka.

Uvidom u izvještaje i poređenjem izvršenja budžeta za 2021. godinu sa budžetom za 2020. godinu, a uzimajući u obzir da je u izvještajnoj godini bilo privremeno finansiranje institucija Bosne i Hercegovine i međunarodnih obaveza na osnovu Odluka o privremenom finansiranju institucija Bosne i Hercegovine i međunarodnih obaveza, izvršenje tekućih izdataka – rashoda je na istom nivou kao i 2020. godine.

Tabela 2: Budžet 2021. (privremeno finansiranje) – Ostvareni prihod 2021. – Budžet 2022.

Odobreni budžet za 2021. godinu – privremeno finansiranje	Sredstva iz budžeta 2021. godinu	Realizovano u 2021.	Ostvaren prihod 2021. godine	Višak sredstava za 2021. (4-3)	Budžet za 2022.* - inicijalni prijedlog
1	2	3	4	5	6
788.000	-	658.587	1.075.739	417.152	912.000

*Napomena, u Budžetu za 2022. godinu planirano je finansiranje iz vlastitih prihoda u procentualnom iznosu od 100%. Agencija je u prethodnih 11 godina, a u skladu sa Odlukom o visini troškova za izdavanje licenci za obavljanje poštanskih usluga, ostvaruje vlastiti prihod. Ukupna sredstva realizovana u 2021. godini su u 100% iznosu iz vlastitih prihoda.

Predsjedatelj Vijeća Agencije

dr. sc. Niño Čorić